

### III. OUTRAS DISPOSICIÓNS

#### ESCOLA GALEGA DE ADMINISTRACIÓN PÚBLICA

*RESOLUCIÓN do 5 de maio de 2014 pola que se anuncian os actos en conmemoración do Día das Letras Galegas.*

En execución do seu plan de actividades para o ano 2014, a Escola Galega de Administración Pública (EGAP) anuncia a celebración dos actos en conmemoración do Día das Letras Galegas conforme as seguintes bases:

1. Obxectivos.

A Real Academia Galega dedícalle o Día das Letras Galegas de 2014 ao poeta e tradutor lucense Xosé M<sup>a</sup> Díaz Castro (1914-1990). A EGAP, como institución pública galega, súmase á homenaxe deste galego insigne organizando un acto literario, así como unha viaxe de interese cultural.

2. Destinatarios.

No acto literario poderá participar o persoal das administracións públicas e calquera outra persoa interesada. Á viaxe cultural terá acceso só o persoal ao servizo de calquera das administracións públicas de Galicia (ata 40 prazas). No caso de presentárense máis solicitudes que prazas, terá preferencia o persoal da Xunta de Galicia.

As dúas actividades organizadas son complementarias, estando condicionada a viaxe cultural á asistencia ao acto literario. Para a selección teranse en conta a data e a hora de entrada da solicitude no Rexistro Xeral da EGAP ou a data e a hora do fax, sempre de acordo coa preferencia sinalada no parágrafo anterior.

3. Desenvolvemento.

3.1. O día 15 de maio, ás 11.00 horas, no salón de actos da EGAP, o profesor Armando Requeixo Cuba pronunciará unha conferencia sobre a vida e obra de Xosé M<sup>a</sup> Díaz Castro.

3.2. O día 17 de maio, terá lugar unha viaxe de interese cultural polos escenarios onde transcorreu unha boa parte da vida do autor agasallado. O programa e o percorrido poderanse consultar na páxina web da EGAP.

A visita será guiada polo historiador de arte e arqueólogo Felipe-Senén López Gómez.



#### 4. Inscripción.

As solicitudes, segundo o modelo oficial que figura ao final desta convocatoria, irán dirixidas á directora da EGAP, rúa de Madrid, 2-4, 15707 Santiago de Compostela, e presentaranse no Rexistro Xeral da EGAP ou por calquera das formas previstas no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro. Admíranse tamén as inscricións por fax enviadas ao número 981 54 63 30.

As solicitudes deberán entrar no Rexistro da EGAP antes das 12.00 horas do día 14 de maio.

#### 5. Información sobre a selección.

A listaxe de persoas seleccionadas poderase consultar na páxina web de EGAP, así como nos teléfonos 881 99 72 51/981 54 62 41/981 54 62 39 do Servizo de Estudos, Investigación e Publicacións da escola, que atenderán calquera outra petición de información.

Santiago de Compostela, 5 de maio de 2014

Sonia Rodríguez-Campos González  
Directora da Escola Galega de Administración Pública



## FOLLA DE INSCRICIÓN

1. SOLICITANTE			
Apelidos	Nome	DNI	
Enderezo particular	Código postal	Concello	Teléfono

2. DATOS PROFESIONAIS		
Posto de traballo	Corpo ou escala <sup>(1)</sup>	Nivel <sup>(2)</sup>
Entidade na que presta servizos		
Enderezo do posto de traballo	Código postal	Concello
Teléfono	Fax	Enderezo electrónico

3. ACTIVIDADE SOLICITADA
Solicito:
<input type="checkbox"/> Asistir á conferencia o día 15 de maio de 2014 na EGAP.
<input type="checkbox"/> Participar na viaxe cultural o día 17 de maio.
Sinatura
_____, ____ de maio de 2014

(1) | (2) Cubrir soamente no caso de ser funcionario

En cumprimento do disposto no artigo 5 da Lei orgánica 15/1999, do 13 de decembro, de protección de datos de carácter persoal (BOE núm. 298, do 14 de decembro), infórmase que os datos persoais recollidos nesta solicitude serán incorporados a un ficheiro para o seu tratamento coa finalidade de xestionar este procedemento. Pódense exercer os dereitos de acceso, rectificación, cancelación e oposición previstos na lei, mediante a presentación dun escrito dirixido a este mesmo centro, como responsable do ficheiro.

Directora da Escola Galega de Administración Pública

